



CONCELLO DE VIGO  
Secretaría de Goberno Local

**D<sup>a</sup>. PATRICIA RODRIGUEZ CALVIÑO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na sesión ordinaria do **12 de xuño de 2026**, adoptou o seguinte acordo:

**16.- PROPOSTA DE DECLARACIÓN DE POSTO VACANTE EN EXPEDIENTE DE PROVISIÓN DE TRES POSTOS DE TRABAJO DE LETRADO/DA-ASESOR/A XURÍDICO ADSCRITOS A ASESORÍA XURÍDICA. EXPTE. 2019/1102.**

Sométese a aprobación o informe-proposta de data 08/06/2026, asinado pola secretaria de Goberno local-instrutora do expediente e conformado pola concelleira delegada de Recursos Humanos e pola concelleira da Área de Goberno, que di o seguinte:

En data 6.02.2026 a Xunta de Goberno Local prestou aprobación as bases reguladoras para a provisión de tres postos de traballo de letrado/a- asesor/a xurídico adscritos a Asesoría Xurídica mediante o sistema de libre designación.

Trala publicación das bases no BOP núm 30 de data 13.02.2026, extracto de anuncio do DOG núm. 48 de data 12.03.2026 publicouse no BOE núm. 39 de data 1.04.2026 a convocatoria de provisión do posto o que deu lugar a apertura do prazo de presentación de instancias que rematou o día 24.04.2026.

Durante o prazo de presentación de instancias e segundo consta no expediente 2019-1102 presentáronse as seguintes solicitudes:

| ASPIRANTE                 | DNI       |
|---------------------------|-----------|
| ROSALÍA ALONSO PENA       | ***9778** |
| ROSA MARIA OTERO MALVAREZ | ***6573** |

En data 4.05.2026 emituse informe da instrutora de cumprimento dos requisitos.

En data 12.05.2026, previa solicitude, emitíuse informe de idoneidade da Asesoría Xurídica.

En data 22.05.2026 a Xunta de Goberno Local adoptou, previo informe proposta da instrutora e informe de fiscalización o seguinte acordo

**“PRIMEIRO.-** Adxudicar a Rosalia Alonso Pena con DNI \*\*\*9778\*\* o posto de letrado-asesor adscrito á Asesoría Xurídica (referencia posto na RPT: 1110105).

**SEGUNDO.-** Adxudicar a *Rosa María Otero Malvar* o postos de letrado -asesor adscrito á Asesoría Xurídica (referencia posto na RPT: 1110105)

**TERCEIRO.-** Declarar deserta a convocatoria dun posto de letrado-asesor (Ref Posto na RPT: 1110105).



**CUARTO.-** A formalización da toma de posesión realizarase conforme a cláusula sexta das bases da convocatoria.

**QUINTO.-** A resolución da convocatoria publicarase no BOP de Pontevedra, no taboleiro de anuncios do Concello de Vigo e na Sede electrónica do Concello de Vigo”

En data 29.05.2026 publicouse anuncio do acordo no BOP de Pontevedra.

En data 29.05.2026 Rosalia Alonso Pena, funcionaria de carreira da Xerencia Municipal de Urbanismo do Concello de Vigo, con praza e posto de Técnica de Administración Xeral, presenta escrito de renuncia.

### LEXISLACIÓN APLICABLE

A normativa aplicable en materia de provisión do postos de traballos nas entidades locais ven determinada polo TREBEP ao ser de preferente aplicación a lexislación básica estatal á lexislación autonómica sobre función pública que opera como dereito supletorio de primeiro grao (Sentenza do Tribunal Superior de Xustiza de Galicia de 25 de abril de 2018). Concretamente o artigo 168 do TRRL dispón que a provisión de postos de traballo que, de conformidade coa relación aprobada, estean reservados ou poidan ser desempeñados por funcionarios de carreira, rexerese polas normas que, no desenvolvemento da lexislación básica en materia de función pública local, dite a Administración do Estado. E o artigo 101 da LRBRL remite en materia de provisión as normas que regulen estes procedementos en todas as Administracións públicas, entendendo como tales as básicas do estatuto básico del empregado público.

E por isto que o réxime xurídico en materia de provisión de postos de traballo ven determinado pola seguinte normativa

- a) Preceptos básicos das lexislacións e regulamentos estatais sobre función pública e réxime local. Fundamentalmente o estatuto básico do empregado público aprobado por Real decreto legislativo 5/2015, de 30 de outubro (TREBEP), Lei 7/1985, reguladora de bases de réxime local e Texto Refundido de Réxime Local (LRBRL) (este último na disposición final 7ª sinala os preceptos básicos).
- b) Normativa autonómica sobre réxime local (Lei 5/1997, de administración local de Galicia) e normativa autonómica de función pública local (Lei 2/2015, de emprego público de Galicia -LEGAL-). e o Decreto 93/1991, do 20 de marzo, polo que se aproba o regulamento de provisión de postos de traballo, promoción profesional promoción interna, en aquilo que resulte aplicable, vixente en virtude do apartado 2 da disposición derogatoria primeira da Lei 2/2015) e Decreto 151/2022, do 4 de agosto, polo que se aproba o Regulamento dos procedementos de mobilidade do persoal funcionario de carreira da Administración Xeral da Comunidade Autónoma de Galicia e das entidades públicas instrumentais integrantes do sector público autonómico.
- c) Preceptos non básicos das lexislacións e regulamentos estatais. Real decreto 364/1995, do 10 de marzo, polo que se aproba o regulamento xeral de ingreso do persoal ao servizo da Administración Xeral do Estado e de provisión de postos e promoción profesional dos funcionarios civís da Administración Xeral do Estado (RGI, de aplicación supletoria no eido local) e Regulamento Xeral de ingreso do persoal ao servizo da Administración Xeral do Estado e de provisión de postos de traballo e promoción profesional dos funcionarios civís da Administración Xeral do Estado





CONCELLO DE VIGO  
Secretaría de Goberno Local

- d) Regulamentos e ordenanzas locais.
- e) Acordos e pactos reguladores das condicións de traballo dos funcionarios (Acordo regulador de condicións económicas e sociais funcionarios do Concello de Vigo e Convenio colectivos dos empregados integrados no cadro de persoal do Concello de Vigo aprobado polo pleno en sesión de data 28.12.1998)

### CONSIDERACIÓNS XURÍDICAS

A cláusula sexta das bases reguladoras da convocatoria de provisión de tres postos de traballo de letrado/a- asesor/a xurídico adscritos a Asesoría Xurídica, en consonancia co art. 93 LEPG da IPEP e art. 8 do RD 151/2022, do 4 de agosto, determina “ *O persoal funcionario de carreira que non tome posesión do posto de traballo adxudicado no prazo establecido será declarado de oficio en situación de excedencia voluntaria por interese particular*”.

Tralo acordo de adxudicación do posto de letrado/a/asesora, a aspirante Rosalía Alonso Pena non tomou posesión do posto adxudicado no prazo establecido. Toda vez que Rosalía Alonso Pena é funcionaria de carreira do Organismo Autónomo de Xerencia Municipal de Urbanismo do Concello de Vigo, procede declarar vacante o posto de letrado-asesor (Ref Posto na RPT: 1110105) e dar traslado do acordo a dito organismo aos efectos.

### CUARTO.- Do órgano competente

O órgano competente para adopción do acordo é a Xunta de Goberno Local conforme o disposto no artigo 127.1.h da LRBRL.

Polo exposto elévase á Xunta de Goberno Local, previo informe de fiscalización da intervención Municipal, a adopción do seguinte, **ACORDO**:

**PRIMEIRO.-** Declarar vacante o posto de letrado-asesor (Ref Posto na RPT: 1110105).

**SEGUNDO.-** Dar traslado ao organismo autónomo Xerencia Municipal de Urbanismo do Concello de Vigo aos efectos que procedan.

**TERCEIRO.-** Contra o presente acordo, que pon fin á vía administrativa, poderán os interesados interpoñer recurso potestativo de reposición ante a Xunta de Goberno Local no prazo dun mes contado a partir do día seguinte ao da súa publicación, de conformidade co establecido no artigo 124.1 da Lei 39/2015, do 1 de outubro, do procedemento administrativo común das administracións públicas, ou interpoñer recurso contencioso-administrativo perante a sección do contencioso- administrativo do Tribunal de instancia de Vigo, no prazo de dous meses dende a mesma data, consonte o previsto na Lei 29/1998, do 13 de xullo, reguladora da xurisdición contencioso-administrativa.

### ACORDO

A Xunta de Goberno local aproba a proposta contida no precedente informe.



E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.  
O ALCALDE,  
Abel Caballero Álvarez.

